

# Sulisoqarnermut Inatsisilerinermullu

## Immikkoortorta qarfirmi sulisunut siunnersorteqarfik

### allaffimmi pisortassarsiorpoq

Aningaasaqarnermut Sulisoqarnermullu Aqutsisoqarfik (ASA) allaffimmi pisortassamik ataatsikkut ataatsimoortumik takunnissinnaasumik aamma atorfinitsitsisarnermut suliasaqarfimmi sukumiisumik immikkuualuttunik suliaqartarsinnaasumik pissarsiorpoq.

Allaffimmi pisortatut ASA-mi sulisunut siunnersortit taakkulu suliasanik suliarinnittarnerat, inatsisilerinermi allaffimmi pisortaq qanimut suleqatigalugu, pingaarnertut akisussaaffigissavatit. Suliasat pillugit suleqatigiissinnaallusilu ataqatigiissaarisinnaassaasi, taakkununga ilanngullugit suleriaatsinik aaqqissuussinnaallusilu immikkoortortamik inerisaasinnaassaasi. Siulleq sulingpipat allaffimmi pisortap aappaata Sulisoqarnermi Inatsisilerinermilu aqutsinermi suliasat isumagissavai. Ingerlatsineq, pitsaassutsimik ineriartortitsinissamillu anguniagaqarneq, tassunga ilanngullugu Namminersorlutik Oqartussani immikkoortorta qarfii immikkoortortallu tassunga atasutut atorfinitsitsisuusut suleqatigalugit piffissaalluartillugu atorfinitsitsinermut isumaqatigiissutinik suliaqarnissaq qitiutinneqassapput.

Sulisoqarnermut Inatsisilerinermullu Immikkoortorta qarfirmi ullumikkut siunnersortit arfineq-pingasut kiisalu sulisoqarnermut inatsisilerituut tallimat, tamarmik immikkut allaffimmi pisortaqartut sulisuupput. Immikkoortorta qarfii allat ASA-p iluaniittut avataaniittullu aaqqissuussaanikkut, suliasatigit ikorfartoqatigiinnikkullu qanimut suleqatigineqartarput, tamanna pillugu uani paasisaqarnerugit [www.asa.gl](http://www.asa.gl)

#### **Immikkoortorta qarfirmi suliasat ilaatigut tassaapput:**

- Atorfinitsitsinerni isumaqatigiissusiornerit akissarsiaannillu eqqortunik innersuussisarnertit
- Isumaqatigiissutinut atuuttut aamma Namminersorlutik Oqartussat qitiusumik allaffeqarfiannut taassumalu ataani immikkoortorta qarfinnut isumaqatigiissutinut tunngatillugit apeqqutit ilaannik suliaqarneq
- Sulinggiffeqarfissanik, atuuffiusussanik, ernisimasut nalunaarsorneqarnissaannik, nalliuttorsiornermik il. il. isumaginninneq
- Suliunnaarnermik, nuussinernik assigisaannillu suliaqarneq
- Immikkoortorta qarfiiit sulianut attuumassutilinnik suliaqarnerannut ikiuunnerit

#### **Allaffimmi pisortap suliasai:**

- Sulisunut siunnersortinik aqutsineq, tassunga ilanngullugu suliasanik isumaqatigiissutinillu piffissaagallartillugu agguassineq, isumaginninneq pingaarnersuinerlu
- Namminersorlutik Oqartussat kommunillu immikkoortorta qarfii immikkoortorta qarfiullu iluani suleriaatsinik ataqatigiissaarinerit, pitsanngorsaanerit atortorissaarutigullu ikorfartuinerit
- Sulisunut siunnersortinik aqutsisoqarfimmilu aqutsisunik allanik siunersueqateqartarnerit
- Immikkoortorta qarfirmut attuumassuteqartunik aqutsisunut ilisimatitsisarnertit
- Allaffimmi inatsisilerituunut pisortaq suleqatigalugu suliasanik erseqqinnerusumik nassuiarneqarsimasunik ataqatigiissaarinissamat akisussaaneq

#### **Ilinniakkatigit imatut tunngaveqarnissat naatsorsuutigaarput:**

- Cand.jur/Cand.merc.jur-itut assigisaanilluunniit ilinniagaqarsimasutit
- Aqutsinerup tunngaatigit uppersarneqarsinnaasumik soqutigisaqartutit imaluunniit misilittagaqartutit
- Inatsisit malillugit atorfinitsitsisarnernik sulisoqarnerlu pillugit inatsisilerinermik ukiuni arlalinni misilittagaqartutit
- Pisortat ingerlatsinerisa iluanni suliaqartarnermik ukiuni arlalinni misilittagaqartutit, Namminersorlutik Oqartussaniusinnaavoq
- Isumaqatiginniarnerit pillugit aaqqissuussaanermik ilisimasaqartutit
- Kalaallisut danskisullu oqaatsitigit piginnaasaqartutit kiisalu kalaallit kulturiat aamma inuiaqatigiit kalaallit pillugit ilisimasaqartutit

#### **Inuttut piginnaasatit makkununga tunngappata pitsaanerpaassaaq:**

- Tatiginartoq, ammasoq, kajumissaarisoq

- Peqatigiilersitsisumik suleqateqarsinnaanermik, ataqatigiissitsisinnaanermik oqaloqatigiissitsisinnaanermillu piginnaasaqarlutit
- Suliniuteqallaqqissuusutit, qasujaatsuusutit sulianillu ingerlatsillaqqissuusutit
- Atuisut paasinnittariaasiat aallaavigalugu sullissisinnaasutit
- Eqaatsumik suleriaaseqartutit ulluinnarnilu allanngorartumi sulillaarsinnaasutit

#### **Neqeroorutigivagut:**

- Suliffeqarfik Qitiusumik Allaffeqarfissuarmi aamma pisortat suliffeqarfiini tamani ersarisoq.
- Suliffik erseqqissunik allannguutissatut anguniagalik aamma immikkoortortaqaarfinnik sulisunilu ataasiakkaanik ineriartortitsinissamik qitiutitsisoq.
- Aqutsisoqatigiit aqutsisut ataasiakkaat ineriartortinneqarnissaannik qitiutitsisut aamma aaqqissuusaaanermi assigiinngitsuni suliffeqarfimmi aqutsinissamut tunngavissamik atulersitsineq.

#### **Atorfeqarnermi atugassarititaasut**

Atorfik akissaateqarfimmi LR 36-p assingani maanna inissisimavoq. Aningaasarsiat aalajangersimasunik aningaasarsianut ilallit LR 36-mi 1. april 2026-miit qaammammut 57.531 kr.-upput ukiumullu 690.372 kr.-ullutik.

Aallaaviatigut isumaqatigiissutini atugassarititaasut naapertorlugit atorfinitsitsisoqassaaq, qinnuteqartoq tjenestemandit atorfeqareersimaguni nunatsinni pisortani tjenestemandit pillugit inatsisit malillugit tjenestemandinut atugassarititaasut naapertorlugit atorfinitsinneqarsinnaavoq. Akissarsianut atorfeqartitaanermullu piimasaqaatit, taakkununga ilanngullugit atorfinikkiartorluni soraarlunilu angalanermut aamma pequtit nassiunneqarnerinut akiliunneqarsinnaatitaaneq, Namminersorlutik Oqartussat aamma pineqartup kattuffiata isumaqatigiinniarsinnaatitaasup akornanni isumaqatigiissutit piffissami atorfiniffusumi atuuttut naapertorlugit pissapput. Naalagaaffimmi tjenestemand-it AC-tut isumaqatigiissutit arlalissuit naapertorlugit atorfillit, ilaatigut DJØF-ip Finansministeriallu akornanni isumaqatigiissutit naapertorlugit, Kalaallit Nunaanni Namminersorlutik Oqartussat ataanni atorfeqarnerminnut atatillugu aningaasarsiat pigiinnarlugit sulinggiffeqarallarsinnaatitaanermut pisinnaatitaaffeqarlutik. Aammattaaq Nunamut namminerlut ministeriaqarfiup kommuninut nunallu immikkoortortaanut inassutigisimavaa, Kalaallit Nunaanni Namminersorlutik Oqartussat ataanni atorfinitsitaanerminnut atatillugu akissarsiaqaratik sulinggikkallarnissamut qinnuteqaateqartunut akuersaartumik pissusilersornissaq. Sulinggiffeqarallarnissaq pillugu aalajangersakkat Kalaallit Nunaanni Namminersorlutik Oqartussani inuit atorfinitsinneqartut katissimasaannut /aappaannut aamma atuupput. Aallaavittut sapaatip akunneranut sulineq akunnernik 40-nik sivilissuseqarpoq, aamma ukiumut akunnerni 320-ini qaammattillu pingasuugaangata akunnerni 80-ini suliartoqquneqarsinnaaneq atorfininnermut attuumapput, ullullu sulinggiffiusussat annaaneqarsimasut ajunngitsorsiassaqaarfiginissaat pillugu aalajangersakkat atuutinnngillat.

#### **Inissaqarneq**

Atorfinnut atatillugu sulisutut ineqarnissamut innersuussinertaqanngilaq. Qinnuteqartoq Namminersorlutik Oqartussani atorfeqarnini aqutugalugu sulisutut ineqareeruni sulisutut inissiamik innersuussivigineqarnissamut pisinnaatitaaffik attatiinnarneqassaaq. Sulisutut inigisaq atorfeqarnermut tunngasuvoq, atorfeqarunnaanermilu qimanneqartussaassalluni.

#### **Qinnuteqarnissamut piffissarititaq atorfininnerlu**

Qinnuteqaammik tunniussinissamut killigititaavoq ulloq 31. juli 2026. Atorfinitsitsinissamut oqaloqateqarnissat sapaatip akunnerani 33-imi ingerlanneqarnissaat naatsorsuutigineqarpoq. Atorfik pillugu itinerusumik paasisaqarusukkuit Allatseqarfiup pisortaa Rikke Frederiksen attavigisinnaavat, uku aqutugalugit [rifr@nanog.gl](mailto:rifr@nanog.gl) imaluunniit oqarasuaat +299 346434 Atorfininnissaq pissaaq ulloq 1. oktober 2026 imaluunniit isumaqatigiissuteqarnikkut.

Qinnuteqaat, imminut ilisaritinneq, CV, ilinniarsimanermut aamma pikkorissarsimanermut uppernarsaatit aamma pappiaqqat attuumassutillit "Qinnuteqaat nassiuguk" torlugu nassiutikkat.

*E-mail-ikkut qinnuteqaatinik tigusineq ajorpugut.*